

續名醫類案卷二十八

錢塘魏之琇編集

海昌王士雄孟英
定州楊照藜素園

同校

瘡疹

雄按麻也、痧也、疹也、瘡、各處所言不同也。其實一也。何以分瘡疹為兩篇。殊屬未當。合歸瘡疹類。

孫文垣治僕子孫守以麻子即瘡咳嗽無痰上唇厚體腫熱大

便燥聲啞燥火為患以麥冬知母瓜蒌甘草白芍桑皮是症

宜去白芍桑皮地骨皮石斛枳殼服後嗽減其七乃去瓜

蒌枳殼以其大便已溏加生地當歸苡仁調理而安此症加生

地合否校對酌之

程氏子七歲中麻西吳呼為瘡子姑蘇為沙沙子姑蘇為沙沙子一月餘矣發熱如故咳嗽

聲啞肌削骨立頭髮盡禿眾醫束手孫見之曰若謂此兒

不可治耶此麻後虛熱成瘡以大蘆薈丸與之可萬全也

病家初不余問者謂非幼科端門也不知此特大方家餘

事耳

可改韓詩曰餘事作兒科然方脈不知兒科者必非良手

為製藥與之未盡服而

瘳

呂東莊治錢氏子五歲病瘡泄瀉兒醫謂瘡最宜於瀉不復

顧忌以清火為急寒涼縱進

著眼在縱字

病勢殊劇呂視之面

色兩顴刺紅

虛陽上浮

時咬牙喘急

盛上

口渴甚飲水不絕

陰虛液燥

脈洪緩如平壯人曰脾急矣速投人參當歸黃芪陳皮甘

草茯苓木香以救之一劑覺安。或阻之曰誤矣。小兒有喘門豈可令腐儒治之。吾所聞瘖病以發散清涼解毒爲主。今半身瘖潮熱未退而用溫補必不救矣。無真知而參末議最能誤人知者慎其家懼遂不敢再服。間三日其父復來見曰諸症復

如故如何。呂曰豈有是理哉。君戲我耳。曰日來實不服君藥乃述其故。呂曰君試急歸。見天柱骨倒矣。別去。頃之馳至曰果如公言奈何。急服前方何如。呂曰前方救虛也。今加寒矣。非桂附不能挽也。曰顴紅口渴喘急飲水俱是熱症而公獨云虛寒何也。曰陰竭於內陽散於外而寒涼復逼之也。陽無所歸內真寒而外假熱。此立齋所發內經微

旨。非深究精蘊者。不能信也。乃歸而違眾服之一劑而天

柱直。二劑而喘渴止。三劑起行嬉戲戶外。此由苦寒過劑故處方如是非

一切小兒皆

可桂附也

馮楚瞻治沈氏兒發熱數日見麻疹纔一日面上盡沒神氣

困極。虬從口出。不一而足。數日不食。下瀉上喘。唇口焦裂。

五心壯熱。手足指突皆冷。脈細數無倫。兩尺更弱。咸謂疹

毒歸臟。胃熱故虬連出也。不知神氣欲脫。五臟俱困。脾虛

不能納穀。蟲無所食。又兼虛火薰蒸。臟腑燥熱。蟲不安而

出耳。況諸斑疹多由內傷失調。脾胃不足以榮。是以陽氣

逆行。陰覆於外。血盛氣壯。則色紅而熾發。血虛氣弱。則色

復

皮

白而隱伏。有何毒之輕重乎。面上退縮者。陽虛不能升發也。喘促者。氣難續也。唇焦者。脾津耗竭也。五心壯熱者。陰虧火燥也。泄瀉不食者。真火衰而脾不運也。寸關細數。尺弱者。氣虛血虛。虛火上浮而不藏也。急則治標。緩則治本。今者之急。本氣欲脫也。倘謂麻疹餘毒。解利清托。恐神氣先盡矣。乃以熟地六錢。丹皮一錢。麥冬三錢。牛膝二錢。製附六分。一劑假熱全消。真虛畢露。神氣更倦。此陰已少復。當補氣以助其發生。前方另煎人參二錢。沖服。神氣漸服。喘促全安。飲粥微嘔。乃胃氣入虛之故也。再用前方加炒黃白朮二錢。去丹參。參湯沖服。四劑全愈。

○愚按此與呂症大同小異。要是百中一二。未可執爲程
法也。大抵麻疹之發。本諸肺胃。治之但宜鬆透。一切寒
燥寒熱之劑。不可入也。余嘗遇表散過甚。綿延不已者。
一以生地杞子地骨麥冬。薏仁沙參等味。三四劑必嗽
止熱退而安。

△
高士宗長男六歲。次男三歲。於元旦次日發熱見疹。卽用以
清解透發之劑。次日暑增十數點。究不暢。心以長男七月
而生。先天怯弱。問其胸腹寬否。曰飢甚。口味何如。曰淡甚。
因知其虛。遂投芪朮參草桂枝紅花一二劑。次日透發遍
身。熱稍退。而人情猶煩燥。夜發熱頻咳。嗽至一月而安。由

見點之初過服表劑。虛其經脈故也。

由此成疔。勞者多矣。

次男幼稚。

致問不能。以上冬痰喘服麻杏桂枝石膏一劑而愈。謂其

稟質畧強。知其疹必不寒凝毒甚。因其蘇麻前杏黃芩石

膏藥。

大錯。

紅點不增。又與紫蘇荊姜羌萎等溫之熨之。疹總

不出。

所謂不知經候。混攻混表是也。

同道俱云舍透法。並無別法。

如此等藥豈但

透發而已。

至五六日吐衄。或曰此熱極生蟲。可服牛黃散。牛黃

散即大黃末也。一服而痰喘止。神氣稍平。却自是不能言

矣。計無所施。針百會穴開其瘡門。服牛黃分許。及諸單方。

觀其形症。

急則亂投藥餌。

實不能生。友人張衛生曰。此大虛大寒

症也。今既無言又不能食。恐無濟矣。勉投參附。究無挽回。

日

經云一逆尚引再逆促命期。為醫者可不鑒諸。

汪氏子出瘡已三日。服前胡杏仁麻黃石膏藥一二劑。疹出

廿餘點。不能再增。心胸煩悶。云高診高曰。若再攻發。則敗

矣。急與芩歸芪朮桂苓紅花一劑。而熱退身安。凡治疹。調

其氣血。和其經絡。寒涼攻發。概致不用。則屢試屢效也。非亦

定論蓋鑒前車而矯枉過正也

吳題先子甫二歲出瘡。兒醫攻發不透。高視之。知其虛也。苦

若但發瘡。瘡斷不出。必至不保。惟有溫補之劑。益其臟腑。

安其腸胃。助其氣血。方可。語無筋節則胸無卷軸可知遂與芪朮羌桂

歸芍苓銀花紅花諸味一劑而安。次日即用原方加人參

一錢。又連服獨參湯而愈。

夏氏子出瘡。色點俱紫。神氣不寧。高曰。此症大凶。治須得法。連看二次。皆用溫散藥。次早其家人走告曰。口吐涎蟲。另有藥否。曰。昨二劑俱服否。曰。尙存一劑。因與附子八分。令加入煎服。自此遂無音耗。心竊惑之越三載至其家。猶懷鬼胎見其子長大。因問昔年出瘡吐蛇。何由得愈。曰。服藥後因無力相延。仗天覆庇。得以漸愈。語亦虛活以上皆醫藥真傳。高案。

徐仲光治一兒。身熱喘脹。以內傷外感治之不效。視其背隱隱赤色。乃疹也。以疹黃湯表發。雖出而頭面不足。隨沒而

死。雄按此證未始不由初始所誤

改見之超
平手天

一兒疹身熱似痘候遍身報點沈虛明黃錦雲皆以爲虛也

時黃綺芸年十二歲未知醫往視獨以爲疹其父訴之綺
芸曰兒聞父言疹爲肺胃風熱今兩鼻流涕已非疹乎已
而果然後長遂爲明醫是以鼻涕作疹者則早得其要領
也

一兒疹出紫色便噉噉瀉不食用解毒飲挑痧法治之而後

愈雄按識見之
超本乎天分

一兒疹出紫色便秘潮瀝煩燥悶亂急以大柴胡湯利之而
愈

一兒疹不易透知爲風寒所遏用桂枝湯加葛根麻黃前胡

升發之又厚用被裏之。再以大劑防風湯熏於床下而愈。
此亦可用芫荽防風湯浴頭面手足。又苧蘆芫荽酒熨之。
疹證以照顧咽喉爲要務。麻黃葛根升麻等藥最宜慎用。
一兒身熱頭痛骨痛咳嗽氣急嘔噦不食。乃傷寒而兼出疹也。以百祥散十神解毒湯治之愈。此症治之少緩疹雖透必變紫黑悶亂喘脹而死。

一兒疹出腹飽便秘。乃內傷所發也。乃承氣湯下之愈。

一兒疹正出而恣食停滯腹飽便秘壯熱譫語急以大黃瓜蘊枳實厚朴黃連甘草等藥利之。而尙喘嗽脈遲肢冷以附子理中湯。又歸芍六君湯治之而愈。

惡心煩升
高利

公而未達
而脈向死者
急投升為之
利以投之

達而未盡

一兒表散後疹出隱隱肌肉間成片又為風熱所鬱渾身變青紫煩燥悶亂喘脹欲出不出急用麻黃桂枝湯加葛根以升發之得冷汗微出而愈

一兒疹半出壯熱煩燥喘脹悶亂乃出不透而內攻也急以麻黃甘草桔梗前胡葛根荊芥牛蒡枳殼升發之疹出二

三番得盡透而愈

一兒疹隱不振頭面不出面色青白喘脹悶亂右寸脈微此正氣虛也不能升毒急用麻黃桂枝湯加人參一錢防風羌萎湯浴治之而愈

一兒疹盡出壯熱秘結喘脹譫語此毒壅猶不盡透也急以

黃連瓜蒌枳殼石羔桑皮知母人中黃等藥治之愈。

一兒汗出疹透，猶喘不止，亦邪壅也。急以炒黑麻黃加石膏杏仁甘草治之而愈。

一兒疹時咳嗽喘急，用大小無比散五分至一錢，卽喘定而睡醒後神安。此熱從小便而解也。

一兒仲春出疹，用涼藥食生梨，寒鬱而沒喘悶而青，肢冷聲啞，昏暈急以麻黃葛根湯。葛根柴胡甘草桔梗紫蘇生薑共發之，再復以被取汗而愈。

一兒疹發不出，喘嗽煩燥悶亂繆仲淳治西河柳五錢，麥冬三錢五分，牛蒡三錢五分，蟬退荆芥薄荷知母各一錢，竹

葉三十片甚者加石膏五錢冬米或三黃等治之而愈。
一兒疹雖出而喘反甚乃驟用麻黃燥烈之藥火甚而肺火
熱也宜清金潤肺以甘草桔梗前胡牛蒡杏仁元參知母
黃芩花粉治之而愈。

賀知忍少子疹不透極重其家不知尙以肉飯與之仲淳急
以西河柳兩許石膏壹兩五錢知母五錢元參貝母各三
錢竹葉七十片作二劑服而疹盡現徧身皆赤連服四服
疹盡出而煩燥猶不止再以石膏三兩知母西河柳各二
兩麥冬三兩黃芩黃柏黃連各五錢竹葉三百片濃煎與
服遂定而瘥。

雄按葉天士吳鞠通皆言西河柳非瘡疹所
宜而繆氏每與石膏並用則不嫌其溫升太

過矣。殆卽仲聖以麻黃與石膏同用之意也。

一兒寒月出疹不透，喘脹悶亂燥煩，用去節麻黃、密和酒拌炒一錢，葛根、麥冬、貝母、前胡、知母、荊芥、元參、甘草、西河柳，一服而疹立透，隨愈。

一新婚婦出疹，痰嗽不已，咸謂餘毒用清解而痰愈多，午後咳甚。此陰虛火熾而潮熱也。用六味地黃丸加知母、麥冬治之，愈。

一新婚婦出疹，其症如前，用六味地黃丸料加當歸治之而愈。

一孕婦疹不出，極熱悶亂喘脹，用清熱安胎藥而熱愈甚，危。

劇子母難全。此懷胎內熱。故法當下其胎。則疹熱解而母

命可保矣。以表散兼墮胎藥治之而愈。此種治實原繆妄疹不過肺胃之熱

喘脹亦肺家本症何必下其胎而始可治乎

一孕婦出疹。小腹痛而漏血。此熱甚動胎。以升麻葛根湯加

荊芥紫蘇黃芩當歸白朮川芎沙仁橘紅阿膠治之。血止

而安。

一孕婦出疹。觸動其胎。胎墮而去。血過多疹雖沒而煩燥悶

悶昏絕。乃血脫故也。當兼益氣用理中湯而甦。又用人

參一兩當歸阿膠炮姜。荊芥艾葉治之而愈。既知血脫却偏要益氣古

人此種甚多實不可解